



U POVODU 22. APRILA – DANA PLANETE ZEMLJE EKO NVO DIO SRCA
SARAJEVO UPUĆUJE

APEL

GRAĐANIMA BOSNE I HERCEGOVINE „ULJEPŠAJMO BOSNU I HERCEGOVINU“

**PRIRODA DARUJE NESEBIČNO, ALI I KAŽNJAVA,
ZATO BUDIMO OD ONIH NAGRAĐENIH**

Naša kampanja pod naslovom „Uljepšajmo Bosnu i Hercegovinu“ ima za cilj masovno podizanje svijesti o potrebi zaštite životnog okoliša. Zato pozivamo građane BiH, a prije svega aktiviste brojnih ekoloških organizacija i drugih NVO, da u svojim sredinama organiziraju ekološke akcije s ciljem uređenja kompletnog prostora BiH i Sarajeva i tako skrenemo pažnju javnosti na potrebu odgovornijeg odnosa prema životnoj okolini.

Ova aktivnost doprinosi podizanju svijesti o potrebi uređenja BiH životnog prostora, zaštiti naših rijeka i vodotoka, šuma i parkova, te poticaj za očuvanje okoliša kroz obradu poljoprivrednog zemljišta, proizvodnju zdrave organske hrane, meda, ljekovitog bilja, a naročito kroz pošumljavanje šumskih goleti.

Također, pozivamo sve stanovnike Bosne i Hercegovine da obrate pažnju na okoliš, urede svoje bašte i livade, a na izletištima ne ostavljaju nered iza sebe.

Naše prelijepo rijeke Neretva, Bosna, Vrbas, Sava, Drina, Sana, Una i druge ne zaslužuju smeće koje završava u njihovim brzacima. Naše planine su stvorene za bogatstvo biodiverziteta, a ne za limene olupine, plastične kese i vreće, konzerve i auto-gume...koje neodgovorni ostavljaju u njihovim zelenim njedrima. Svaki kamen na našim livadama svjedoči o viševjekovnoj opstojnosti Bosne i Hercegovine. Zato ih čuvajmo i čistimo da u čistoj sredini stoje i dalje svjedoče našim pokoljenjima.

OVIM PUTEM UPUĆUJEMO APEL NADLEŽNIM INSTITUCIJAMA DA SE RIGOROZNO SANKCIONIRAJU SVA PRAVNA I FIZIČKA LICA KOJA VRŠE DEVASTACIJU OKOLIŠA TE DA SE SREDSTVA PRIKUPLJENA NA Taj Način USMJERE KA SISTEMSKOM UREĐENJU OKOLIŠA .

Ekološka nevladina organizacija

DIO SRCA

SARAJEVO